

義

禮

糾

解

儀禮紉解卷之十三

安溪王士讓述

士喪禮下第十三

此士喪禮下篇亦名既夕禮周官注稱士喪禮下今從舊名敖氏繼公曰此禮承上篇為之乃別為篇者以其禮更端也篇首云既夕哭故以既夕名篇士讓按士冠特牲少牢篇首節俱從筮儀叙起則此篇若從筮宅起更與諸篇相類

既夕哭

既夕者葬前二日之夕與葬開一日也哭者仍哭於殯宮也殯後朝夕哭於此

日夕哭訖出寢門復外位

請啓期告于賓

啓啓殯也將葬當遷柩於祖有司於

是請啓肄之期于主人以告賓賓宜知其時也  
士讓按告于賓蓋兼已來未來者言下文有  
請祖期請葬期不復云告于  
賓者賓已悉來亦當告之也

### 右請啓期

泊邨吳氏曰注疏以每日朝一廟  
爲尊卑計日之差殆不其然曾子

問古者天子諸侯之喪祝取羣廟之主藏諸  
祖廟卒哭而後主反其廟則無庸越六日八  
日而徧歷之矣大夫亦有太祖廟禮當同之  
士無太祖故二廟以一日而畢朝之下記云  
朝禰訖而適祖無厭  
明之文是可見也

### 夙興設盥于祖廟門外

夙興夕哭之明旦蚤起  
也豫設盥擬舉鼎及設

奠者盥手也祖王父也祖禰二廟據尊  
者言門外蓋在于東方如大斂奠之設  
陳鼎皆

如殯東方之饌亦如之。

皆皆三鼎也。如殯如大。歛既殯之奠。東方之饌。

如兩瓦甒。甒豆兩邊與其實也。泊邨吳氏曰。

此所陳者祖奠也。東方祖廟東堂下也。凡柩入

廟後先設從奠。徹從奠而後設遷祖奠。徹遷

祖奠而後設祖奠。明日乃設遣奠。此其序也。俛

牀饌于階間。

此牀階間祖廟堂下也。先饌于此。此牀階間。尸比首時乃用。

士讓按小斂之牀以承尸。此牀以承

柩。雖同名俛牀。而其廣狹高卑之制異。

右陳祖奠器饌。夷牀軼軸饌于西階東。

經直

云階間記明階間位近西不正中也。俛牀饌

于祖廟而軼軸則饌于殯宮。所以候載柩朝

祖者。但西階東。其二廟則饌于禰廟如小斂

是同故併言之。

奠乃啓

祖尊禰卑先朝禰後朝祖同日二廟皆饌禰如小斂奠特豚一鼎祖則如

大斂奠三鼎也

泊邾吳氏曰諸侯五等同

五廟上下大夫同三廟則士雖異等似當同

一廟不應有二廟之殊故每疑禮器王制爲

是而祭法爲非惟敖氏云均之爲士而廟數

不同者蓋士之先世或爲大夫而有三廟至

後世爲士則廢其一但存二廟若先世無爲

大夫者則唯一廟而已

此說揆之義理頗安

二燭俟于殯門外

早闇以爲明也燭用蒸未蒸曰燭二燭者以照徹奠與啓

殯

丈夫髻散帶垂卽位如初

爲將啓變也皆爲之十次乃卽朝夕

哭門外位髻者去冠與纓而露紒也將髻髮者

必先髻此勒衰者耳其齊衰以下則皆免散帶

垂解其三日所絞者也。凡大功以上皆然。髮與散帶垂未殯之服也。是時棺柩復見故服此焉。不言婦人者婦人之帶初已結本。又質而少變。其當髮者小斂以來至此自若無所更改。其不當髮者雖未殯亦不髮則此時可知也。泊郵吳氏曰小斂與啓殯變服之節舊說未析惟此所引敖婦人不哭將有事主人拜賓入卽位袒氏得之。婦人不哭止謹露主人拜賓入卽位袒入亦不哭。商祝免袒執功布入升自西階盡階不升堂。聲三啓三命哭。商祝公有司也。當弔服加麻爲有事于祔故袒免功布大。小功布執之爲有所拂拭去塵。聲三。噫歆者三以存神也。啓三三言啓告神也。燭入於室照徹奠一祝降與夏祝交于階下取銘置于於堂照啓肆。

重視周視也。降者取銘而降。夏視則與執事升

至廟而取宿奠交于階下。凶事交相右也。此宿奠從踊無算主人也。為見柩。商視拂柩用功布幰用

夷衾拂去塵也。幰覆之為其形

右啓啓之听外內不哭。止嚔也。既

遷于祖遷于祖朝祖廟也。柩出南首。檀弓曰殷

將出必辭尊者也。葬亦亦朝廟。婦未廟見不朝

廟。泊邨吳氏曰不言禰者云遷于祖則禰在

其用軸輶軸也。殯時升棺用軸。故啓殯而降及中入廟門而升亦用之。軸制見上篇。望溪方氏曰階有級軸不能轉而上下亦人舉輶軸以升而後遷于夷狀以正其位歟。重先

奠從、燭從、柩從、主人從。

行之序也。奠從、奠也。柩前後皆有燭。

者以其柩車爲隔恐闇也。主人從衆主人以下從。婦人從女賓從。男賓在後。女賓以上其行皆以服之親疎爲序。服同乃以長幼也。泊郵吳氏曰注云主人從者丈夫由右婦人由左。由左由右之說亦謂尋常行路則然耳。若從柩則必男爲男焉女爲女焉且出寢門入廟門門中迫隘男婦匪可以並行也。敖說得之。升自西階。也。與小斂升自阼階未忍異於生之義異。奠俟于下東面北上。俟正也。主人從升。婦人升東面衆人東卽位。婦人東面當負序以辟奠者之往來。言婦人東面則主人西面可知。東卽位者衆主人也。文脫一主字。正柩于兩楹。



間用夷牀。

兩楹閒象鄉戶牖為朝事之處。言此見東西之節於時。柩北首。朝祖不可

以足向之也。

主人柩東西面置重如初。

如初。如殯宮時。席升

設于柩西。奠設如初。巾之升降自西階。

柩北首。西乃右

也。從奠設如初。如殯宮室中東面。設之于席前

也。巾之為禦堂之風塵。異於在室。不巾。

楊信

齋曰。喪奠之禮有三變。始死。奠於尸東。小斂。奠

亦如之。既殯。奠於與神席東面。大斂。奠朝夕奠

朔月奠。亦如之。啓殯之後。席升。設于柩西。奠設

如初。如初。如室中神席東面也。自是朝祖奠。降

奠。還柩奠。遣奠。皆如之。

主人踊無算。降拜賓。即

但設于柩東為異耳。

位。踊襲主婦及親者由足西面。

主人在柩東。踊。既奠。乃降。即位。

于阼階下。襲亦於序東。婦人由足。由于阼南也。堂上迫。主人降拜賓。婦人乃得東。

### 右朝祖

朝于禰廟。重止于門外之西。東面。阼入。升自西階。正柩于兩楹閒。奠止于西階之下。東面北上。主人升阼。東西面。衆主人東卽位。婦人從升。東面。奠升設于阼西。升降自西階。主人要節而踊。重不入者。主於朝祖而行。若過之矣。不久留也。主人要節而踊。奠升主人踊。降時婦人踊也。燭先入者升堂。東楹之南。西面。

後入者西階東、北面在下。

先、先柩者。後、後柩者。

主人降

卽位。徹乃奠，升自西階。主人踊如初。

不拜賓。踊奠，以

成禮不在此。且欲急於適祖也。

祝及執事舉奠，巾席從而降。

柩從序，從如初。適祖。

此謂朝禰後，舉奠適祖之序也。此與主人踊之

文相屬，則是其事卽日相接也。

穆亭李氏

曰：經謂遷於祖者，爲一廟之士祖禰共廟者言之也。此記則爲二廟之

士祖禰別廟者言之也。

旣正柩，賓出，遂匠

納車于階閒。

遂人主引徒役，匠人主載柩。案車所以載柩者，周禮遂師職謂

之蜚車，一名輅。許叔重說文云：有輪無輻曰輅。賓出而納此車於階閒，爲主人送賓而入。

則當載矣。

薦車直東榮、北軒。

薦，進也。進車，象生時將行陳薦，車當東榮、西上，於中庭。輓

輓也。北軒者，以柩北首故爾。蔡氏宸錫曰：敖

氏謂此卽遣車，非也。遣車亦名驚車，明器也。使

人舉之如墓，乃是載遺奠之包牲者，卽檀

弓所云塗車也。此所薦之三車，豈其類乎？質明、

滅燭。正明時堂

徹者升自阼階，降自西階。

徹者，辟新

也。乃奠如初，升降自西階。

爲遷祖奠也。亦惟以脯醢醴酒而已，奠升

不由阼者，柩北首，辟其足。亦柩西席前設之。

泊邛吳氏曰：或疑祖前無奠，而亡者難獨饗，不

知祖祔在廟，而苟以喪奠于主人要節而踊，節

之，是黷且不類，吉凶異宜也。主人要節而踊，謂

徹者奠者之升降與奠者由重南時也要節而踊丈夫婦人皆然

薦馬纓三就

入門北面交轡圉人夾牽之御者執策立于馬

後

薦馬每車二匹三車則六匹矣纓夾馬頸者

鞅也就成也諸侯之大夫士同飾纓以三成謂朱白蒼之條絲也其著之如屬然交轡而夾牽之謂左人牽右轡右人牽左轡也但言入門則是沒露也既奠乃薦爲其踐汚

哭成踊右還

出

哭成踊圉人與御者也雜記云薦馬者哭踊

泊邗吳氏曰喪無不致其哀僧祭無不致

其敬也祭而旅酬下及沃洗者則圉御雖賤其情分之與於禮事宜矣注疏皆以哭踊屬主人玩此及雜記可見屬圉御又案徹奠設奠之時薦車薦馬其事相接作經者置奠事於車與馬

之閒見堂上堂下彼此並作也。檀弓云復、楔齒綴足、飯、設飾、帷堂、並作。凡讀禮者皆當以此意會之。賓出主人送于門外。送亦拜之。門廟門也。

右薦車設遷祖奠薦馬。薦乘車鹿淺幣干

竿草鞮載旛載皮弁服纓轡貝勒縣于衡。此

車令下道車棗車三者皆魂車也。士所乘者棧車鹿棧幣以鹿之夏皮淺毛者為覆式也。干盾也。竿矢箠鞮也。旛通帛為之。孤卿所建。士亦攝盛焉。皮弁服臣同君以視朔者。勒馬頭絡銜也。以水中之貝飾之。此數者有干無兵有簾無弓矢明不用也。衡轡端橫木以駕馬者。縣之者蓋事至則加于馬身既則脫之而置于此。望溪方氏曰旛可攝而服止

于皮弁何也。爵弁服盡用于襲斂也。遺以少牢乘車載旂以昭恩禮而被于身設于寢廟者不得踰其爵等。所以飭喪紀也。道車載朝服。道車朝夕於之車朝服日視朝之服。豪車載蓑笠。豪猶散也。今文豪為潦以田以鄙之車。蓑笠備雨服也。三車皆漆之。見道槩二車亦有纓轡勒縣于衡。士備三車亦攝盛之意。有司請祖期。祖行始也。亦因在外。位請之當以告賓。曰日側。此主側。朕也。謂過中時。士讓按日過中為陰候之始。祖奠以當夕奠。雖視常日之夕奠差早而要為夕之分限也。

右請祖期

主人入袒乃載踊無算卒束襲

袒爲載變也載于柩車柩車

卽遂匠所納者束束棺使不動也襲襲衣也

降奠當前束

降奠下而設遷祖之

奠當前束在柩車之西

右載將載祝及執事舉奠戶西南面東上

卒束前而降奠席于柩西

將載謂將下柩于庭而載之車也其

降仍以輶軸歟舉奠者執遷祖之奠于手以俟也卒束前卒束之前也束未畢而先降奠席也經載柩時不言設席移奠之事故記明之

商祝飾柩一池紐前經後緇齊三采無貝

飾柩者設



儀禮紉解

卷十三

士喪禮下

八

柩之牆柳也。牆以布爲帷於柩旁者。柳以布爲荒於柩上者。池竹爲之。衣以青布。縣於柳前。以象宮室之承露者。君三面。卿大夫兩相。士前一面而已。紉所以聯帷與荒者。其色前赤而後黑也。與束棺屬披之組別。齊則居柳之中央。如車蓋上之蕤。用三色采繒爲之。上朱中白下蒼。著之以絮便高焉。有貝者。元士以上。此諸侯之士無之。設披。從旁持曰披。以帛爲之。士蓋用布與。棺既有紐以結之。謂之戴。復結披當棺束。於束繫紐其形披出。人居旁牽屬引。屬著也。引。紉繩也。着繩於車。用人引之。之。屬引。云。紉者。見繩體。云。引者。見用力。一也。凡引。天子用六。諸侯四。大夫士二。泊邨。吳氏曰。下經實土三。主人拜鄉人。則鄉人爲之引。可知禮助葬必執紉。又曰。束棺于柩車者。曰束。連繫棺束與柳材而結之者。曰戴。貫結于戴而出之。

于外、人居旁牽之、曰披、橫縛于轅、以屬引者、曰輅、以長繩屬輅兩端、而人引之者、曰引、引屬于輅車者也、在棺曰紼、說輅車而但屬于棺、謂遷祖時、及在壙將窆時也、其為繩一也、

右載輅 巾奠乃牆。降奠訖、覆以巾、而商祝乃飾輅。

陳明器於乘車之西。明器、藏於壙中之器、神明之也。下文苞匚等皆是。陳

於車西、其在東堂之南與。泊邨吳氏曰、乘車直東榮、道車、槨車、以次而東、則東堂之南尚空也、教說得之。疏以為在重北、則重當庭東西之中、乘車距之也、遠、明器焉得及重北乎。折、橫覆之。折、猶展也。窆之事畢、加之壙上、以承抗席。橫陳之者、為苞匚已下、紼於其北、便也。覆之、見善面也。自抗木至箇、皆後用者先陳、折於抗席前、用以其重大、故別陳於南。三禮館

儀禮細解

卷十三 士喪禮下 九

議折蓋以板片爲之。首陳之者爲其在棺飾之上。最親于棺。敷氏謂必橫陳之者。象其在壙也。後言橫者。縮者皆放此。抗木橫三縮二。抗。禦也。所以禦止土者。其橫與縮各足以掩壙。加抗席三。席所以禦塵。抗木不言加。明別木上。下云加茵。茵又加于席上。泊邨吳氏曰。抗木在上。卽梓之蓋也。東西曰橫。南北曰縮。一橫一縮。兩層重之以掩壙。取固密也。植席其用葦若荊。歟。廣輪與抗木齊。必三重。取周疊也。抗木與茵俱兩重。而加茵。用疏布緇翦有幅。亦縮席三重。取相變也。二橫三。茵所以藉棺者。翦淺也。幅。緣也。其制未詳。凡壙器每以三二爲數者。象天三地四旁。而上下不周。棺之下藉以茵。其上加以抗。

次加抗席。次加抗木。故陳時亦重累陳之。  
禮館議後陳者先用。則茵先橫後縮。抗木先縮  
後橫。可器西南上。精之。以西行南端為上。精屈  
知矣。也。不容則茵。茵非明器。重言之者。以苞  
屈而反之。茵明器從茵起而北陳之。苞二。遣奠  
羊豕之。簠三。黍稷麥。其容蓋與簠同。一殼。簠  
體者。簠三。黍稷麥。其容蓋與簠同。一殼。簠  
三。醯醢屑。冪用疏布。薑桂之屑也。內則曰。屑桂  
與薑。無二。醴酒冪用功布。皆木桁久之。魚亦瓦  
是也。無二。醴酒冪用功布。皆木桁久之。魚亦瓦  
以庥苞。筭。無者。木為之。久之。謂以蓋案塞其  
口。每器異其桁。三禮館議。敖氏以木桁為久  
之之物。所以著苞。筭。無之底。而使之平也。參  
觀上篇重局久法。其說可備一解。竊無既冪之

宜無庸更。用器，弓矢、耒耜、兩敦、兩杆、槃、匱、匱、實。

于槃中、南流。此皆常用之器也。杆，盛湯漿。槃，匱，

耒耜為用器。為其有圭田。無祭器。祭器尊、士器

主人所親耕而共齎盛也。望溪方

氏曰：壝中藏用器樂器。孝子不忍死其親之意

耳。祭器所以享祖考而納諸壝中，則誣矣。且

周禮春官之樂器，夏官之兵器，厥之奉之藏之

每職必舉。而鼎俎、遵、鉶，天官膳夫以下諸職，無

一語。明器無祭器，自天。有燕樂器可也。與賓客

子以下皆然，不獨士也。有燕樂器可也。燕飲用

樂之器，如琴瑟、笙、簧之類。役器，甲冑、干、

云可者，亦不必其用之也。役器，甲冑、干、

燕器，杖、笠、嬰。燕居安體之器也。杖以扶

身，笠以禦暑，嬰以招涼。

右陳器

抗木刊

剥其皮而兩面皆刊削之。

茵著用茶實

綏澤焉。

茶茅秀。綏廉薑澤。澤蘭皆取其香且禦濕。

葦苞長三尺一

編。

葦長截取三尺一。道編之於苞物宜。

菅簪三其實皆淪。

皆湛之湯。

未知神之所享不用食道所

以爲敬如殯時之設熬然。弓矢之新沽功。

沽麋也。設之宜新。

有弭飾焉亦可張也。有秘

設依撻焉有韞。

此言弓也。弭弓梢也。以骨角飾兩頭。雖沽畧亦使可張。秘

弓槩也。弛則縛之於弓裏。備損傷以竹爲之。

依纏弦也。撻附側矢道皆以韋爲之。韞弓衣

也。緇布

爲之。猴矢一乘骨鏃短衛。

侯物而射之矢也。四矢曰乘。衛

羽也。骨為鏃而短其衛亦示不用也。志矢一  
生時鏃矢金鏃五分可長而羽其一。志矢一  
乘軒輶中亦短衛也。志習射有志於中者輶輕  
也。軒輶中者無前重後輕也。

徹奠中席俟于西方主人要節而踊。

此徹當前  
東之遷輶

奠也。巾席俟者為將還

袒商祝御柩乃祖踊襲

袒主人為將祖變也。御柩執功布以居前為還

柩車節也。祖還柩向外為行始也。踊襲主人既

踊乃少南當前束。不言主人可知也。主人柩東

襲也。少南當前束之位皆當前束載時前束在

北及還柩則在南故少南以當之。

婦人降卽位

然則柩車雖還亦不離其所也。

于階閒。

柩已還而首南鄉。婦人乃得卽位于其北。婦人不位於車西者，恐妨賙者行禮。

之所。祖還車不還器。

祖有行漸，車亦宜鄉外也。器之陳自若，南上。

吳氏曰：此車卽所薦三車也。薦時北朝，還時南朝。還車者，欲其與柩車同鄉也。

車必還，乃可駕而行。器則人持之，無所用還也。

祝取銘置于茵。

也。銘本

在重，重不藏，故移加于茵上，當與之同入于壙。

二人還重，左還。

重與車馬還相

反。車馬宜右還。還重言二人，則舉亦二人可知。

布席，乃奠如初。主人要

節而踊。

此祖奠也。泊邨，吳氏曰：堂上柩北首，則奠在柩西。初載降奠如之。旣祖，柩南

首，則奠在車東。疏云：西，誤。

敖氏繼

薦馬如初。

儀禮糾解



卷十三

士喪禮下

士



宜新其事。

賓出主人送。

祖訖出廟門。

右祖

祖還車不易位。

為向外耳。仍未行也。

執披者旁

四人

兩旁則八人也。

祝饌祖奠于主人之南當前路

北上巾之

既祖乃奠。

有司請葬期。

請于主人亦入。

復位。

復柩東之位也。自始死未

小斂已前位在室中尸東。小斂後位在阼階下。皆內位也。

右請葬期

公賁玄纁束馬兩。

公國君也。車馬曰賁。施于生及死者所以助主人送葬欲

以共駕魂車也。兩馬，士制，所謂駢馬也。公賙之，如其駕薦車之數。

擯者出請入

告主人釋杖，迎于廟門外，不哭。先入門右北面

及衆主人袒。

尊君命也。衆主人不迎賓，阼階下，柩東西面，自若。

馬入設。

設於西方也。

賓奉幣，由馬西當前輅北面致命。

賓，使者，亦士也。禮使人各以其爵。幣，立纁束也。

輅，輶縛也。以木縛於柩車轅上，以屬引於上而

挽之者。賓奉幣入門左，當階而北行，當輅乃折

而東行，至其右北面致命。君命不升堂致者，柩

在下也。以奠奠，故主人哭，拜稽顙，成踊。賓奠幣

不以由尸首爲嫌。

于棧左服出。

棧，柩車，卽蜎車也。四輪迫地，無革鞅而漆之，與棧車制同，故名。服，車

箱也。幣奠于左。服象授人授其右也。此車南鄉。以東為左。與委物于尸東。殯東同意。卒由

主人之北。舉幣以東。以東。士受馬以出。士胥徒藏之。

勇力者受馬。亦以舉幣為節。主人送于外門外。拜襲入復位。

杖。亦為君命袒。故既送使者則襲於外。還入廟門。復柩車東之位。

### 右公則

賓賙者將命。擯者請入告。出告須。賓卿大夫士之使者也。不

迎。告曰。馬入設。賓奉幣。擯者先入。賓從致命如

初。孤某須。先入道之。從入亦門。主人拜于位。不踊。位。柩車東

位拜不稽顙。不踊。遠辟于君使。望溪方氏曰。自公奠公。則以外主人皆有拜而無哭踊。即拜亦不離其位。不惟力不能勝。時亦懼不逮也。賓云拜于位。則拜君。則之使者。違其位明矣。賓

奠幣如初。舉幣受馬如初。擯者出請。言出請見賓已出在

外也。若奠入告。出以賓入。將命如初。士受羊如受

馬。賓致可以為葬奠之物也。常日奠。惟朝夕一。至葬日。遣奠為奠之最盛。故親者致其奠

物。以共奠事之用。若者。不定之辭也。羊者。士葬奠之上牲。又請。若賻入告。主

人出門左西面。賓東面。將命。貨財曰賻。主施於主人者。將命執物

以將之也。泊邨吳氏曰。賻。奠贈。主人皆不出。而獨為賻出。或疑為重財輕禮。不知賻不施於

死者則賓固不入至柩前致命也。主人拜賓坐。

委之。宰由主人之北東面舉之反位。主人有喪於僦遣不

宜親受故。若無器則梧受之。梧逆也。謂宰梧受之。不委地也。梧受

賓坐委之。若無器則梧受之。之則相對而異於舉之同面也。泊邨吳氏曰

賻施於生者故賓不入門。若入門則有併施死

者之嫌也。少儀曰賻馬入廟。又請賓告事畢拜

門賻馬與其幣不入廟門。

送入。如但賻若奠而已。主人亦出送之。呂氏

大臨曰喪禮主人見賓不以尊卑貴賤莫

不拜之。明所以謝之。且自別于常主也。賓于主

人無有答其拜者。明所以助之。且自別于常賓

也。後世行之多失其義。喪主之待賓也如常主。

弔賓之於主人也如常賓。甚者為衣服飲食以

奉之。輟朝夕之哀以謝之。贈者將命。贈送也。以

而先王之禮意蕩然矣。贈者將命。柩將去而

贈之。與贈生人之意同。泊邾吳氏曰。此不蒙

又請之文。則是更端也。贈謂以幣若他物。可為

明器者。禮較重。擯者出請。納賓如初。如其入告

於奠賻者與。幣亦立纁束。若就器。則坐奠於陳。

賓奠幣如初。幣亦立纁束。若就器。則坐奠於陳。

就善也。成也。陳明器之陳者。贈施於死者。贈無

常。惟玩好所有。善器成就者。奠之于陳。從其類

也。凡將禮。必請而后拜送。雖知事畢。猶請。君子

不見者言之。泊邾吳氏曰。諸侯弔使之禮。在

殯宮行之。不必定於遷祖後。則士大夫諸禮。亦

當有殯後葬前。陸續而

來者。經特於此著之耳。兄弟。則奠可也。兄弟有

服親者。

可云者、許其且賙且奠、未必並用、或且從厚也。  
賙奠於死生兩施、或有其禮、無其財、君子弗行  
也。所知、則賙而不奠。所知、通問相知者、降於兄  
弟、賙以幣馬、尊敬之意、故  
親疎皆得用之。奠以羊、若飲食然。知死者賙。知  
故疎者不得用之、以自別於兄弟。書賙於方、若九、若  
生者賙。是又於所知中分別。書賙於方、若九、若  
七、若五、書遣於策。方、板也。或九行七行五行、凡  
編爲之。書方者、爲將讀之。九七五、言其疏數之  
節、遣爲主人自具之物、故另書之。策、廣於方、遣  
之物名多也。士讓按賙奠賙贈之儀、有兼施  
者、有特施者、無非稱其情與財耳。然主人有不  
盡用者、何以處此。曰、君子不家於喪、故孟獻子  
之司徒旅歸四布、而夫子取之。若因以爲利、野

人猶恥之。乃代哭如初。柩將去矣，不忍絕聲。

况君子乎？小斂後，夷尸相類，故亦代哭。明日而葬，亦類於殯。三禮館議，自啓殯見柩而遷廟，哭固已不

絕聲矣。至是乃代哭焉。蓋柩車在廟，男婦羣聚而守之，徹夜不寐，哭若絕聲，不但忘哀，且將懈

怠倒廢而不振也。若不代，則雖強有力者亦弗勝。明日何以將事乎？聖人立法，即乎人心如此。

宵為燎於門內之右。於門右者，宜遠尸柩也。必遠之者，亦謂鬼神或者尚

幽闇也。時柩車在西，柩車東有主人，階間有婦人，故于東方以照哭者。

右賵奠賵賻。凡賵幣無常。玩好唯在，所有。

厥明。即葬日。陳鼎五于門外如初。鼎五，羊豕魚腊鮮獸大夫



儀禮鄉解

卷十三

夫

少牢之禮。士特牲三鼎、盛葬奠、加一等也。如初  
如大斂奠時。望溪方氏曰：遣奠得用少牢，猶  
冠禮之用爵弁，昏禮之用墨車也。昏冠則假之  
於始，以厲其志。宵雅肄三之義也。喪奠則厚之  
于終，以報其勤。士有賜幣，**其實羊左胖**。凡吉祭  
大夫沒不呼名之義也。**此用脾不升**。泊邨吳氏曰：小斂奠殯奠，朔月奠  
左脾。脾不升，薦新奠祖奠皆用脾，是小牲脾解  
合升，不去脾。此羊豕大牲升其**腸五胃五**，少牢  
脾雖豚解亦去脾，以其成牲也。**肺亦盛之**。離肺者，食肺也，明無切肺也。切肺祭  
也。豕亦如之。豚解無腸胃，如羊左脾，脾不升，離  
之法解之。肩膊脊脅解為四段也，無  
腸胃者，少儀云：君子不食溷腴也。**魚腊鮮獸**

皆如初。鮮新殺者。士腊用兔加鮮獸而無膚。東

方之饌。亦設於千東堂下。南。四豆。脾析。蜺醢。葵

菹。羸醢。脾析。羊百葉。蜺醢。四邊。棗。糗。栗。脯。豆。米

之粉為之。今所謂糕也。士讓按四豆俱用饋

食之豆。而四邊則於饋食之邊取其二。於加邊

之實取其一。於菹邊之實取其。醴酒。葬奠亦

一而合為四。所謂放而不致也。醴酒。無黍稷。陳

器。明器也。夜斂藏。滅燎。執燭。俠輅。北面。一人在

徹祖奠。一人在輅東。照葬奠。賓入者拜之。亦鄉而拜之。

右陳遣奠明器

凡糗不煎

以膏煎之。則發非敬。亦不以食

道之

意

徹者入丈夫踊設于西北婦人踊

將設葬奠先徹祖奠入謂

祝與執事徹祖奠者既盥乃入由重東而主人踊至徹訖設柩車西北則婦人踊

徹者

東

適東堂下之鼎入五鼎舉入陳于阼階

乃奠

饌以待事至

豆南上精籩羸醢南北上精

也籩羸醢南辟醢酒

先饌脾析於西南次北蟬醢蟬醢東葵菹葵菹

南羸醢是謂豆南上精其設之形四方也四邊

則於羸醢之南先設棗棗南設棗棗東設栗栗

北設脯是謂籩北上精亦因精而得形四方也

其設棗之西空一位可以設醴其設棗之西空

一位可以設酒皆當脾析之南故注云辟醢酒

也。俎二以成南上，不精特鮮獸。成猶併也。不精者，魚在羊東，腊

在豕東。獸特於其北。醴酒在籩西，北上。醴酒尊以要成。與者出主

人要節而踊。亦以奠者往來為節。

### 右遣奠

甸人抗重，出自道，道左倚之。抗舉也。出自道，從門中央也。不由闕

東西者，重不反，變於恆出入。道左，道東，主位也。倚之，當倚於門東北壁上。經言甸人置重於中庭，此又言甸人以見凡有事於重，皆甸人也。未虞以前，以重主其神。既虞，則神安于寢，作主則神棲於主，此重既出不復反，使甸人守之。既虞則埋于道左。泊邨吳氏曰：重既不隨入壙，又

不可留於廟中故於

薦馬馬出自道車各從其

馬駕于門外西面而俟南上

皆出自道象平生

將行以近外者為先也乘車在前道象序從

三禮館議道車行之道也車必由中出者車有

兩輪重則兩人抗之馬出亦二以並國人牽之

亦然則不得不夾聞之兩旁而從中出也生者

乘車出入由中道步行則否望溪方氏曰朝

祖時柩車入廟門闌與下檻已脫去故重與車

馬得由中道出也註云不由闌東西徹者入踊

似闌尚未脫有闌則車豈能出入乎徹者入踊

如初徹巾苞牲取下體不以魚腊

苞以苞盛之也徹巾即苞

之是於席前為之也此象既饗而歸賓俎雜記

云父母而賓客之所以為哀是也士苞三个前

脛折取臂膊、後脛折取髀、皆下體也。每牲猶有肩肫脊脅四段之上體在俎焉。取下體者、其以皮骨多、差可久歟。魚腊不以、非正牲也。又按葬有遣車、載所苞遣奠而藏之者也。大夫以上、乃有遣車。士無遣車、則所苞行器。析言之、則苞簋者不載於車、直持之而已。茵、苞器序從。如其陳言之、則折抗席抗木皆器。茵、苞器序從。也。舉之爲行始、故曰行器。茵、苞器序從。車從。次器。徹者出、踊如初。徹者設于西北、旣仍乃出也。於是廟中當行者惟柩車。

## 右重出車馬奠器從

主人之史請讀賵、執算從、柩東當前東、西面。不

命母哭。哭者相止也。唯主人主婦哭。燭在右、南

面。則即書於方者。則禮賓爲之。故主人之史請

之。史請北面。既而與釋奠者西面。右史右也。

泊邨吳氏曰。公則當首列。奠賻賵及襚皆在

其中。舉則以該之也。士讓按哭者相止。宜於

神之聽之也。主人主婦必哭者。庶神有所憑依

也。燭在右以照書。取其明也。是時幽明悽愴。如

將見。讀書釋算則坐。必釋算者。物有多寡。宜知

之。便。卒命哭。滅燭。書與算執之以逆出。執燭者

也。亦出。

公史自西方東面。命母哭。主人主婦皆不哭。讀

遣。卒命哭。滅燭出。公史君之典禮書者。遣即書於策者。此主人之物。故公史

讀之。其執燭之位與上同。而東西則異。三禮館議。賜物私史讀之。以見其議之不忘也。遺物公史讀之。以見其分之不越也。望溪方氏曰。附棺之物。必誠必信。雖執事者自無遺忘。而主人主婦必傾耳而聽之。於心始安。故俟讀遺畢。而後命之哭。

## 右讀賵讀遣

商祝執功布以御柩。執披。

居柩車之前。若道有低仰傾虧。則以布爲

抑揚左右之節。使引者知其上下。執披者知其左右也。上執披者旁四人。則八人也。不言引者。披後于引言執。主人袒乃行。踊無算。  
袒爲行後也。乃行謂柩車行也。凡從柩車者。先後左右。如遷於祖之序。  
出宮。踊襲。出宮而踊。哀親之離。



其室也。行路不宜袒。故襲。

### 右樞行

至于邦門，公使宰夫贈，玄纁束。

邦門，國城之北門。葬于北方北

首。三代之達禮。則所出必北門也。樞至是，公乃贈之。亦異於臣禮也。寔訖乃用之。策君物以送

終焉。主人去杖，不哭。由左聽命。賓由右致命。主人

哭，拜稽顙。

左右，樞車前輅之左右也。當時止樞車。樞北首，西為左。賓在樞車之東。主

人不成踊。變於家。望溪方氏曰：公使人叩關

使者在西。以至主人之家。有賓道也。贈于塗。則

使者在東。以國門乃君

之門。使者有主道也。

賓升，實幣于蓋。降，主人

拜送復位杖乃行升柩車之前實其幣於棺蓋

左服宰不舉之別於在廟復位友柩車後乃行亦謂柩車行也

右公贈

三體館議聘禮聘卿行舍于郊公使卿贈公之使人贈其臣亦以出國門

為節歟初喪既禭之又或視其大斂矣既則謂之至柩行又贈之於士如此則大夫以上又加厚焉可知堂廉不隔呼吸相通九經所謂體羣臣此其實也士讓按古者王公而下至大夫士皆有兆域昭穆各以其次故趙武以得全要領從先大夫於九京為幸北方比有死者所厝士喪而柩至邦門公使贈之如此是之謂令終其中於事君終於立身無愧祖考矣

至于壙陳器于道東西北上

廟中南上此以西行北端為上是純

於壙也

茵先入

當藉棺也元士則葬用輅軸加茵焉

屬引

於是說義除飾更屬

引于柩東而下棺于茵上

主人袒衆主人西面北上婦人東

面皆不哭

袒為下棺變也入壙之際為羨道男東女西各俠為位不哭者下棺宜靜

也羨道天子謂之隧

右至壙

唯君命止柩于壙其餘則西

壙道也餘

則石者不敢留神也記此皆明餘人不當行禮於壙望溪方氏曰柩車不傳以葬必在

日中以前少遠緩則妨虞祭矣

車至道左北面立東上

車謂乘車

道車，乘車也。道左，道  
東也。先至者在東。  
至塋，祝脫載除飾，乃  
載之，不空以歸。送形而往，迎精而反，亦禮之  
宜。

乃窆，主人哭踊無算。

窆，下棺也。今文窆為塋。主人封，春秋傳謂之塋。

贈用制幣，玄纁束，拜稽顙，踊如初。

太八尺曰制。二制合之，束。

十制五合也。玄纁之率，玄居三，纁居二，疑即公使宰夫所贈，重君物，故以送終與。三禮館議李氏如圭，以此贈即公贈，或謂經不言公贈，而重出其物曰玄纁束，則為主人之贈。明矣。既窆，則公贈賓贈，豈主人之贈。卒袒，拜賓主婦亦拜，得入焉，不言者，可知也。

賓卽位拾踊三襲

卒謂增卒也主婦拜賓拜女賓也卽位反走適東西位也

拾踊者主先賓後婦人居間三謂

三者三襲主人也禮婦人不袒

賓出則拜送

相問之賓也凡弔賓有五去皆拜之此舉其中

者也雜記云相趨也出宮而退相揖也哀次而

退相問也既卒而退相見也反哭而退明友也

虞祔而退皆因恩之厚薄爲去遲速之節也

藏器於旁加見

器用器至燕器也見棺飾也棺

器之外先云藏器乃云加見者器在見內也藏

之者其家人之屬歟必藏器者明君子於事終

不自

藏苞篋於旁

此在見外棺與槨之閒也上

猶于尸柩之右之意也不

言甕罍相次而藏可知

加折卻之加抗席覆

之加抗木。

加于上也。泊邨吳氏曰：折卻之善，面向棺也；席覆之善，面向表也。猶小

敏衣，美者在中，大敏衣，美者在外也。梓周於壙，所以無使土親膚。實土三。主人拜鄉人。鄉人五十者從，反哭，四十者待盈坎，拜之者，謝其執紼及下棺，實土相助之勤勞也。拜時亦袒。望溪方氏曰：歸而反哭，日中而虞，即位，踊襲如初。即故以實土為節，不敢久俟。

拾踊三也。

右定。

於是有可以几筵舍奠於墓左，為父母形體在此，禮其神焉。泊邨吳氏曰：春

官家人，大喪甫窆，遂為之尸。小宗伯成葬而墓祭，則為位，注謂成葬而祭墓地之神，以先

人形體託於此地，故配其神以安之。小宗伯爲位，家人則爲之尸也。開元禮、政和禮、司馬氏書儀、朱子家禮俱有既寔祀后土之女，此經無之，或文不具耳。士之祀墓神，不可謂僭，但禮弓只云釋奠，則未必有尸耳。

乃反哭入，升自西階，東面。衆主人堂下，東面北

上。反哭者，於其祖廟爲柩從此而出也。西階，堂上親所行禮之處，故禮弓云：反諸其所作注。堂上親所行禮之處也。升自西階，未變其嚮者，所升堂之路也。升堂而不見，故但止於西階之上。馬、衆主人西方東面，統於主人也。望溪方氏曰：迎精而反，探死者之情，亦必先就考妣而後可反於私室，故反。婦人入，丈夫踊，升自阼階，哭於廟，而後虞下。寢。

由阼者辟主人。三禮館議主人升西階者以

賓將在西階弔之故。豫空阼階為婦人位也。虞

祭尚升自西階則此時固不宜出阼。

矣。衆主人西方亦辟婦人之所由也。主婦入于

室踊出卽位及丈夫拾踊三。八于室反諸其所

處也。出卽位。賓弔者升自西階曰如之何。主人

堂上西面也。拜稽顙。者北面主人拜於其位此弔異於常故

爲之稽顙。泊邨吳氏曰西階東面本非主人

正位以喪事遽弔者北面則主人因其故位拜

之而賓降出主人送于門外拜稽顙。廟門外也

已。哭而退故重謝之而稽顙。泊邨吳氏曰二廟

者反哭時唯於祖廟而已。遂至之殯宮以虞事

禮記集說卷一百一十五



不可緩也。陳氏可大以爲先祖後禰恐未確。

遂適殯宮。皆如啓位拾

踊三。

啓位。啓殯時之位。婦人于阼階上。西面南。上。丈夫于堂下。直東序西面。拾踊。丈夫先

婦人後而已。

兄弟出。主人拜送。

兄弟。小功以下也。異門大功亦

此時蓋無賓。

可以歸。至虞卒哭。還來與馬。賓出自廟。兄弟出

自殯宮。親疏之殺。

三禮館議。殯訖哭殯。葬訖

反哭。主人于兄弟拜送者。惟此耳。

衆主人出門。

以此二節事尤大。而哀尤甚也。

哭止。闔門。主人揖衆主人。乃就次。

次。倚廬也。居於倚廬。哀親

之在外也。不

敢入處室。

右反哭。

卒窆而歸。不驅。

旣封。從蜃車而歸。其反也如疑。不忍

疾驅

也。

猶朝夕哭不奠。

是日也。以虞易奠猶哭。以神靈在此也。不奠為無尸柩也。三

虞卒哭。

虞喪祭名安也。卒哭三虞之後祭名謂卒殯宮之哭也。以其明日耐于祖故不

復朝夕哭於殯宮。惟朝一哭夕一哭於其次而已。

泊邛吳氏曰古者卒哭在既葬三虞之後

無有未葬而先行卒哭者。政和禮乃以百日為

卒哭之期。蓋緣後世葬無定期遷就為之耳。

明日以其班耐。

班昭穆之次也。耐卒哭之明日祭名耐猶屬也。謂耐于祖孫與

祖昭穆同故以孫屬於祖而就祖祭之。尸柩已

去神宜在廟也。泊邛吳氏曰上而耐下而設

尸皆以其昭穆此於死者之精神所以聯屬而

疑聚之者至矣。非知鬼神之情狀者其孰能制

之。

右虞卒哭耐

右士喪禮下

凡二十三節經文止

記古本

說見上篇記

啓之昕外內不哭。夷牀軼軸。饌于西階東。其二廟則饌于禰廟。如小斂奠。乃啓。朝于禰廟。重止于門外之西。東面。柩入。升自西階。正柩于兩楹閒。奠止于西階之下。東面北上。主人升。柩東西

面衆主人東卽位。婦人從升。東面。奠升。設于柩西。升降自西階。主人要節而踊。燭先入者升堂。東楹之南。西面。後入者西階東。北面。在下。主人降卽位。徹乃奠。升自西階。主人踊如初。祝及執事舉奠。巾席從而降。柩從。序從如初。適祖。薦乘車。鹿淺。辟干。竿革鞮。載旛。載皮弁服。纓轡貝勒。縣于衡。道車載朝服。橐車載蓑笠。將載祝及執事。舉奠。戶西南面。東上。卒東前而降。奠席于柩。

西巾奠乃牆抗木刊茵著用茶實綏澤焉葦苞  
長三尺一編菅簣三其實皆淪祖還車不易位  
執披者旁四人凡贈幣無常凡糗不煎唯君命  
止柩于垣其餘則否車至道左北面立東上柩  
至于壙斂服載之卒窆而歸不驅自此以上古  
記皆依經文  
次君視斂若不待奠加蓋而出不視斂則加蓋  
序而至卒事此一條通解本  
移附士喪上既正柩賓出遂匠納  
車于階閒祝饌祖奠于主人之南當前輅北上

巾之弓矢之新沽功有弭飾焉亦可張也。一作張可  
有秘設依撻焉有韞。猴矢一乘骨鏃短衛志矢  
一乘軒輶中亦短衛。

儀禮紉解卷之十三終

儀禮紉解卷之十四

安溪王士讓述

士虞禮第十四

虞安也。士既葬父母、迎精而反、日中而祭於殯宮以安之。於五禮屬凶。士三月而葬。士三虞。敖氏繼公曰：此篇言士喪初虞之禮。士讓按：上篇葬卒窆而歸、反哭、入遂、適殯宮。是日也。以虞易奠。人子之心不忍一日離也。凡虞必有主之。婦則夫若子主之。凡主兄弟之喪、雖疏亦虞之。父母之喪、偕先葬者不虞。祔待後事。此又其變者。

士虞禮

三禮館議：自始死至葬、設奠以依之。不立尸以體魄在殯、未遽以神道事之也。

既葬而返則以安其神靈為亟。而後此之春秋享祀設主迎尸自茲始矣。祭吉禮也。虞則祭而未吉。以其前因乎喪而後漸趨于吉也。

右篇曰

記虞浴不櫛。

浴者將祭自潔清也。不櫛者未在於飾也。

唯三年之喪不櫛。期以下櫛可也。敖氏繼公曰。注從古本無沐字。今本曰沐浴。蓋傳寫者誤行之。

特豕饋食。

特豕。士牲。饋。猶歸也。祭而用黍稷曰饋食。言饋之以食也。三禮館議饋

食如下。特牲少牢二篇是也。此亦放其禮行之。未葬殷奠用特豚。豚解而已。遺奠用羊豕亦豚解而已。此云特豕者。見此豕之為體解而異于奠也。不云特牲者。吉祭曰特牲。宜辟之也。望



溪方氏曰。自小斂至禋。皆用肝。造奠及虞始用豕。卽用物之節。而至殺亦存焉。側亨于

廟門外之右東面。

側亨。亨一胖也。吉禮用全。虞

下之俎。故畧用一胖而足也。殯宮寢也。而云廟

尊之也。右西方。不於東方。未可以吉也。亨于饔

用饔。東面。謂亨魚腊饔亞之北上。

饔。竈也。遞次

者。饔亦存焉。

皆西。饔饔在東壁西面。

炊黍稷曰饔。饔在堂下

方也。饔饔在東壁西面。云東壁者。近於壁也。壁

饔之閒。當容人。西面。亦指饔者。凡吉祭。饔饔在

西。此東者。反吉也。朔月之奠。始有黍稷。未有饔

此有者。漸吉也。亦北上。三禮館議。設洗于西

記。主人視虞牲。則主婦亦視饔饔。歟。設洗于西

階西南。水在洗西。篚在東。

此所設。皆反吉也。亦當西榮。南北以堂深。

設之于西亦以主人位在西階上故也。尊于室中北墉下當戶兩

甒醴酒酒在東無禁。冪用絺布加勺南枋。喪祭無玄

酒以醴為上而在西醴以饗神酒以飲尸也。兩

甒西上亦神席在西也。士吉祭冪用綌此喪祭

用絺其義未詳。望溪方氏曰虞所獻惟

及祝佐食無室外之事故設尊不于堂上素几

華席在西序下。周禮司几筵凡喪事設華席右素几

即几筵具。士禮卑約故奠不設几。至祭則几筵

不可不具。士讓按用素用華喪事質也。其

刲茅長五寸束之實于篚饌于西坵上。其猶藉也所以

藉祭尚潔也。饌兩豆菹醢于西楹之東醢在西

一鉶亞之。

臨在西南面取之。得左取菹，右取醢，便其設之。一鉶亞之者，菹以東也。此

饌繼西楹言之。則以西楹為主，向東陳之。

士

讓按醢在西，據饌于西楹東如此。及其設之，據

尸在與東面，則醢在北，當尸之左。菹在南，當尸

之右。尸得右取菹，搗于醢，祭于豆間，亦順手便

也。

從獻豆兩亞之，四邊亞之北上。

豆從主人獻祝，邊從主婦

獻尸祝。其陳次在楹以東。亞于鉶而東也。鉶東

比，菹為首。次南醢，醢東栗。栗北棗，棗東棗，棗南

栗，則北上者。

饌黍稷二敦于階間，西上，藉用萑

苴與棗也。

席。

藉猶薦也。席字宜衍。几堂下無設席法。且尸

用席而敦未必有席可知。

匱水錯于槃中，南流，在西階之南，篚巾

用菑。

儀禮別解

卷十四

士虞禮

三

在其東

為川設盥也。匱中  
有水。流匱吐水口。

陳三鼎于門外之右

北面北上設扃鼎

有西方也。先設鼎後設扃。陳  
鼎蓋各當其饌之東。以少牢

陳鼎在饌之西。及觀之。可知也。云

匕俎在西塾

設扃鼎則牲物已孰而升于鼎矣。

之西

塾有西者。是室南嚮。此外塾也。

士讓按

西羞燔俎在內西塾上南順

南順。以羞之者當  
北而縮執之也。少

牢下篇言縮執七清俎之法。乃當其下端。然則

望溪方氏

曰。以此知門之左右室皆中隔。而內外並名塾

也。牲爨在門外。而燔俎乃在內塾者。俟正俎既

升。然後以俎出受燔。不相混也。

士讓按虞祭

皆以執事為之者。喪主哀。未能躬親也。凡陳列

吉祭在東。此在西者、西陰方也。

右陳饌具。陳牲于廟門外北首、西上、寢右。

言牲則免腊在其中。西上、變吉也。免腊在東、寢右者、當升左胖也。腊用於日中而

行事。朝有葬事故日中而虞亦變於吉祭。士讓按常時吉祭皆以質明。虞以日中

至再虞三虞、朝無葬事、意皆用質明行之。殺于廟門西、主人不視

豚解。主人視牲不視殺、喪事畧也。豚解、解前後脰脊脅而已。熟乃體解、升於鼎。羹

飪升左肩臂、臠肫、骼、脊、脅、離肺、膚祭三取諸

左臠上肺祭一實于上鼎。肉謂之羹。飪、熟也。自肩至脅、凡七體

喪祭畧也。離肺舉肺也。膾、脰肉也。脊骨用其

正者。禮雖畧。不可奪其正也。膚取諸膾。貶於

純吉之倫。擇者。膚祭三。以為神祭。肺祭一。以

為尸祭也。鼎有三。牲實上鼎。李氏如圭曰。士

虞祭用七體。特牲則增橫脊短脅而為九。少

牢又增脰脊代脅而為十一。敖氏繼公曰。惟云

脊脅。則是各一骨耳。脊脅各升魚鱠。一而又但

用一骨。遠別于吉祭也。升魚鱣。鮒九。實于中鼎。

喪祭畧。差減之。此升腊左胖。亦七體。皆設局鼎陳之。

髀不升。實于下鼎。先設。鉶芼用苦若薇。有滑。夏用葵。冬用苣。有

後陳。先設。鉶芼用苦若薇。有滑。夏用葵。冬用苣。有

桐。苦。苦菜。若云者。各隨其時之所有也。苣。董

穎。乾則滑。夏秋用生葵。冬春用乾苣。皆所

有。冬春用乾苣。皆所

有。冬春用乾苣。皆所

有。冬春用乾苣。皆所

以為滑者有裍以祭而嘗之。**豆實葵菹菹以西羸醢**雨遵

**棗烝栗擇**雨遵之棗栗皆烝之擇之文互見耳**祝俎髀脰脊脅**

**離肺陳于階閒敦東**此俎實自鑊而徑載于俎不復升于鼎者不敢

與神俎同也尸三俎兼用祝俎實惟豕亦變於吉也階閒執事之俎所常陳之處也敦東

言其節

**主人及兄弟如葬服**葬服主人髻髮衆主人及兄弟免而大功以上皆散

帶垂**賓執事者如弔服**賓執事者賓客來執事也士之屬官也曾子問士則

朋友奠不足則取于大功以下據此則屬官亦為朋友也弔服疑衰素冠麻經帶望溪方氏

曰、虞之賓、惟來執事者、故特文以見之。

皆卽位于門外、如朝夕臨

位。婦人及內兄弟服、卽位于堂、亦如之。

主人及兄弟在

東方賓執事者在西方。婦人及內兄弟其服如葬服、位如臨位。

望溪方氏曰、旣葬矣、而婦人仍朝夕奠之位、何也。主尙未作、而遽入于房、我

無所處、又方迎精而反、子婦之心、仍若神之陟

降在庭、且尸入、當哭踊也。又曰、以是知女賓卽

內兄弟及外宗。送葬時、必與衆子婦隨主婦之

後。祝免、澡、葛經帶。

祝亦執事、而加免者、祭祀之禮、祝所親也。澡、治也。治葛以

爲首經及帶、接神宜變也。此祝、公

有司也。此服、當事服之、旣事則已。布席于室中

東面、右几。

右几、於席近南。

降出、及宗人卽位于門西、東



面南上。

宗人亦公有司也。視及宗人南上。明其與賓不相統。

右門外位

士讓按送往之情。虞祭亦一大節限。故俱至與祭。服前服。自此以後

親疏之服漸變除矣。

宗人告有司具。遂請拜賓如臨。入門哭。婦人哭。

告主人以有司已具。請行祭事也。主人即位于

臨。朝夕哭也。拜賓如臨。旁三拜也。堂。衆主人及兄弟賓即位于西方如反哭位。

既夕

云。乃反哭。入門。升自西階東面。衆主人堂下東面北上。此位異於朝夕臨位。亦異於既耐吉祭之位。是時賓爲執事而來。無異爵者。士讓按君於士。自親斂至葬。皆致其情。虞則不與。思有

終也。卿大夫士之異爵者，自弔至葬，亦致其情。  
虞亦不與，情有極也。同等之賓，宜助主人為禮。  
故與祝入門左，北面。不與執事同位，接神尊也。  
宗人西階前，北面。當詔主人及賓之事。

右門內位

祝盥，升取苴，降洗之，升入設于几東席上，東縮。  
降洗觶，升止哭。苴，東面設之，順神東面也。縮，從  
也。止哭，為將祭也。敖氏繼公曰：祝洗觶，升入，俟時而酌，亦異于吉禮。泊邨  
吳氏曰：苴，東縮，則苴亦有首尾，以首近神而尾  
向東。几，陳設及羞者，蓋皆放此意。主人倚杖入，祝從在左，西面。

主人北旋倚杖西序乃入。喪服小記曰：虞、祔、不  
入於室。凡喪祭之始，及無尸者之祭，主人皆先  
視而入室，祝從。故入贊薦菹醢醢在北。主婦不  
即西面，亦異於吉。薦齊斬

之服，不執事也。醢佐食及執事盥出舉，長在左。  
在北，豆南上也。

佐食，佐尸食者，吉祭旅與兄弟齒，蓋同姓者  
為之。望溪方氏曰：此長，謂執事之賓長。鼎

入設于西階前，東面北上。匕俎從設，左人抽局

鼎七。佐食及右人載。執匕俎者三人。從設從鼎

俎。佐食亦在右。三禮館議：特牲鼎設于阼階

南，則西面；此設于西階前，則東面。蓋在東則西  
面，在西則東面，鄉背之法宜然也。其在門外之饗亦同。  
卒，杞者逆退復位。

復賓位也。俎入，設于豆東。魚亞之，腊特。亞次。贊設二敦。

于俎南。黍，其東稷。設一鉶于豆南。西黍東稷，尊黍西上。佐

食出，立于戶西。無事。贊者徹鼎。及于門外。祝酌醴，命佐

食啓會。佐食許諾，啓會卻于敦南。復位。醴以饗神者，自

小敘大敘，朔月遷祖奠，祖奠遣奠皆醴。酒金有，此所酌者醴也。酒則以醕尸。祝奠解

于鉶南。復位。復在主人之左。

右設饌，載猶進柢。魚進鬻。柢，本也。鬻，脊也。二者皆生人食

法。猶云者，見未忍異於生。亦以別於吉祭之進下進腍法。主人在室，則宗

人升戶外北面。當詔主人室事。佐食無事，則出戶負

依南面。佐食室中無正位。室中尊，不空立。爾雅云：戶牖之間謂之依。

主人再拜稽首祝饗，命佐食祭。饗，告神饗也。饗辭，即記所云哀

子某主為而哀薦之饗者也。此祭祭于苴。望溪方氏曰：虞祭已前，主人哭踊必至虞而後拜何也？拜者，君臣朋友饗燕之禮也。大親不文，故就養無方，無所用拜。未葬，親之魄體尚在宮中，不忍父母而賓客之也。至迎精而反，則以神道事之。故尸未入而禮神為主人祭拜之始。佐食許諾，鉤袒取黍稷祭于苴。三取膚祭，祭如初。祝取奠解祭亦如之。不盡，益反奠之。主人再拜

稽首。

鉤袒。擯衣以露臂也。爲神祭當與尸異處。故祭于席。爲其汚席。故以苴藉之。二者三

祭之。

解亦三注之。不盡者。三祭而不盡其醴。益

反奠之者。旣祭更酌而益之。乃反奠于故處也。

自食具而後。主人再拜稽首者三。祭于神。當以

吉拜將之也。至賓出而主人拜送。則稽顙祭畢。

仍以喪拜拜賓也。

望溪方氏曰。此孝子躬祭

于室中之始也。鬼神依人而行。使祝佐食代神

祭。冀迎精而反。庶或陟降。

祝祝卒。主人拜如初。

而馮之也。吉祭無此禮。

祝祝卒。主人拜如初。

哭。出復位。

祝祝者。釋孝子祝辭。卽記所謂哀子某。哀顯相。夙興夜處不寧。下至適爾

皇祖某甫者也。如初。亦再拜稽首也。祝饗與祝

皆在其位。

望溪方氏曰。加哭于出之上。未出

戶而嗚咽。

不自禁也。

右饗神

始虞用柔曰。

葬之日，日中而虞，欲安之。柔，口陰，取其靜。

如丁亥。曰：視。

哀子某，哀顯相，夙興夜處不寧。

哀子，主人也。哀顯相，衆主人以下也。顯，明也。相助也。夙興夜處不寧，言其以神未耐廟之

故，日夜爲之。敢用絜牲剛鬣。

豕曰鬣。香合，望溪

悲思不安也。曰：尸所飯惟黍，故獨稱香合。

士護按：嘉薦，

普淖。嘉薦，苴醢也。普淖，未詳。

明齊，淩酒。明齊，新水也。言以新水淩醢此

酒，蓋言

哀薦，祫事。

始虞謂之祫事者，主欲合先祖也。以與先祖合爲安。

適爾皇祖某甫，饗。

爾，謂死者。皇，君也。某甫，皇祖字也。若言尼甫，告之以

適皇祖所以安之也。男子耐於王父。尸柩已去。則神宜在廟。爲神未欲遽離其室。故於虞預告。再虞皆如初。曰哀薦虞事。如丁日葬。則之也。皆用柔日也。其祝三虞卒哭。他用剛日亦如辭異者。一言焉耳。他者變易之辭。猶今言別也。初曰哀薦成事。三虞不用柔日。而別用剛日。故云他也。卒哭亦別用剛日。假如庚日三虞。則壬日卒哭也。三虞所以別用剛日者。將耐於祖。取陽動之義。歟。卒哭亦用剛日者。以耐祭宜用柔日故耳。如初謂祝辭。三禮館議鄭注解他用剛日。謂有故及家貧不及三月而葬者。宜速虞祭以安神。待三月而後卒哭。中間或有祭祀亦用剛日。謂之他者。假設言之。此于小記報葬報虞之說合。而以之解本



經之義則其辭枝矣。當從敖氏爲安。泊邨  
吳氏曰三虞曰成事禮成於三也。卒哭亦曰  
成事因于

三虞也。

祝迎尸一人衰經奉篚哭從尸。

尸祭祀所主以象神者。孝子不

見親之形象心無所繫故立尸以主之焉。祝出迎尸而主人不降者亦變於吉。一人衰經服則非疎遠者其爲主人之兄弟可知。吉祭有所俎主人之所親設。虞未可以吉故以篚代之。程子曰古人祭祀用尸極有深意。蓋人之魂魄既散孝子求神而祭無主則不依無尸則不饗。魂氣必求其類而依之人與人既爲類骨肉又爲一家之類已與尸各已潔齊至誠相通以此求神宜其饗之。後世不知此直以尊卑之勢遂不肯行耳。士讓按從尸者以主人之兄弟爲之。

使神有所親也。

尸入門。丈夫踊，婦人踊。

主人在西序東面。衆兄弟西階

上亦東面。婦人堂上當東序西面。見尸有先後，故踊有先後。

淳尸盥，宗人授

巾。

淳，沃也。賓執事爲之。尸入門左，當西階北面盥。

尸及階，祝延尸。

在後詔俯

口延，告之以升也。凡升，祝在尸後。降，祝在尸前。

尸升，宗人詔踊如初。

前入

門之踊，宗人所詔，此亦如之。

尸入戶，踊如初，哭止。

哭止者，尊尸也。將有

事也。

士讓按尸入門爲一節。及階爲一節。大

戶爲一節。三節限皆踊，皆有宗人詔之。經獨著

之於尸升，詳中閒以該前後也。按宗人所主，多

是吉服。廟中事，故自始死至獻明器，宗人，不見

經。以凡葬事皆凶服在外，宗人不與也。註云，凡

踊皆宗人詔之。惟據此三節耳。若自初喪至卒

哭中閒踊節甚多。婦人入于房。執事者將由堂東故入以辟之。

主人及祝拜受尸。尸拜遂坐。受安坐也。尸即尊坐或時不自安故

拜以安之。拜而後尸乃坐。變于吉祭尸拜如特牲禮之答拜也。

右迎尸。尸服卒者之上服。卒者士也。其上服則爵弁服是

亦異於吉祭者。吉祭之尸服玄端玄裳。士

讓按士喪陳襲衣三稱。爵弁服純衣皮弁服。祿衣。祿衣即玄端也。其序爵弁服為上。祿衣

為下。記明言卒者之上服。則是爵弁服明矣。鄭注以為玄端誤也。蓋爵弁服純衣者士之

冠昏人道於此始。士之襲斂人道於此終。尸象神也。虞迎精而反。象其上服所以安之也。

若歲祀常事則尸亦但服玄端常服。主人自

修常祭服亦如之焉至士妻之尸服宜純衣註云宵衣亦恐未然男男尸女

女尸必使異姓不使賤者女尸必使異姓者孫行之婦也賤者

謂庶孫之妾也尸配尊者必使適也何氏

克思曰吉祭有男尸無女尸陰統於陽也抑

亦以既有男尸則不便更立女尸也虞卒哭

練耐祥禱若女喪則男不可以為女尸故須

別立或並喪則其虞耐等祭亦必有先後賈

疏謂喪祭皆男女別尸異几似一時並立兩

尸然其尸入祝從尸當詔尸坐不說履侍神

情燕淳尸盥執槃西面執匱東面執巾在其北

東面宗人授巾南面槃以盛棄水為濺汚人

也執巾不授巾卑也

從者錯篚于尸左席上、立于其北。

此篚、擬為尸盛餘饌。北、席

北也。立、俟其祭之畢。

望溪方氏曰、室中尊嚴

而從者久立于尸左、何也、不忍遽異于生也。婦

人行動、內御者必從。母之尸、

有從者、則父之尸不容有異。尸取奠、左執之、取

菹、煠于醢、祭于豆閒。

右手取奠、予左手執之、為右手將有事也。下祭之類。

此者、皆于豆閒、

祝命佐食墮祭。

墮、手向下也。按

特于是見之耳。

祝、命佐食墮祭。墮字、或為按、解

義不一。注據周禮云、既祭則藏其墮、今從之。玩

經義、謂命佐食取黍稷肺祭、授尸祭也。故敖氏

以為接或授字之

之祭奠。祝祝主人拜如初。尸嘗醴、奠之。

拜、為祝告於神。

儀禮紉解

卷十四

士虞禮

七

拜也故尸不答拜。

佐食舉肺脊授尸尸受振祭。齊之左。

手執之。

肺氣之主脊體之正左手執之亦右手將有事。

祝命佐食通敦。

佐食舉黍錯于席上。

敦盛黍稷命之近于尸也側通之喪食略也。

尸

祭鉶嘗鉶。

以右手也。

泰羹清自門入設于鉶南。裁四

豆設于左。

清肉汁裁切肉博異味也。議羹豆有正有加此二者皆加也。泰羹清自門入新自爨來欲其熱也。

三禮館

設于左不言所上四豆一物也。

尸飯播餘于

筐。

不反餘也古者飯用手吉時播餘于會此初飯即言播餘是每飯皆然也。

儀小飯而亟之雖童子之禮蓋成人皆然每飯

皆小防噎也取諸敦者差多入于口者差少則

每飯皆有餘矣。不可反于敦，又不可棄于席。故播于篚，以篚本以盛餘饌者也。三飯，佐

食舉幹。尸受振祭，齊之實于篚。幹，幹骨之肉，即脅也。又三

飯，舉胙祭如初。佐食舉魚腊，實于篚。胙，祭肉也。初，亦振祭

齊之也。特牲三舉魚腊，尸皆振祭齊之。又三飯，

此實于篚，不齊者，喪不備味，異于吉。

舉肩祭如初。合上九飯也。後舉肩者，周人貴舉

魚腊俎。俎釋三个。釋，猶遺也。舉而實之篚，且不

个猶枚也。上文牲體七，已舉脊幹胙肩四體，則

所遺者臂肫肫耳。腊所遺臂肫肫亦然。魚遺三

个同。尸卒食，佐食受肺脊實于篚，反黍如初設。

九飯而畢。士禮也。泊邨吳氏曰。尸不告飽。喪食不飽也。主人與祝不伯。喪祭不敢以飽爲勸也。尸九飯。案節飯之。備數而已。故每食播餘。亦見其下咽者少也。

右獻尸 饗辭曰。哀子某。圭爲而哀薦之饗。

圭。潔也。凡喪祭稱哀于吉。祭稱孝于孝孫。此卒哭饗辭也。朱子移析于此。敖氏以祝饗饗辭當與此同。其記所謂哀子某。哀顯相。夙興夜處不寧。下至適爾。皇祖某甫爲祝。祝辭先饗後祝。光畧後詳。是也。

主人洗廢爵。酌酒酹尸。尸拜受爵。主人北面答拜。尸祭酒嘗之。

爵無足者曰廢爵。主人喪重。故用之。酹以酒安食也。凡吉祭。主



人西面答。此北面變吉。望溪方氏曰：同一拜

也。吉祭曰拜送爵。虞則曰答拜者。沈痛荒忽不

忍，循獻酢。賓長以肝從實于俎，縮右鹽。縮，從也。

之常儀也。賓長以肝從實于俎，縮右鹽。縮，實炙

肝於俎，而鹽在肝右，便尸取之。尸左執爵，右取

此，卽羞俎在內西塾上者也。尸左執爵，右取

肝，擣鹽振祭，嚙之，加于俎。賓降，反俎于西塾，復

位。取肝，右手也，加于俎，謂賓所實之特俎也，復

位，謂賓長也。望溪方氏曰：吉祭之肝，加于

菹豆，將合搏黍以餼主人也。尸卒爵，祝受，不相

虞無餼，故仍加于俎而反之。尸卒爵，祝受，不相

爵。主人拜，尸答拜。相爵，如特牲曰：送爵，皇尸

卒爵，此不相者，喪禮畧也。

右主人醑尸

右主人醑尸

祝酌授尸。尸以醋主人。主人拜受爵。尸答拜。主

人坐祭。卒爵拜。尸答拜。醋本亦作酢。報也。尸無降席之禮。故祝爲酌之。

泊邛吳氏曰。神賜不可不飲。且獻祝及佐食皆承廢爵用之。不卒爵則無以獻也。亞獻足爵。三獻總爵。並同。士讓按居喪不飲酒。而虞祭主人有卒爵何也。尸有父道。主人有子道。不可以虛所受賜。且亦因虞漸卽吉故也。但卒爵之後。無復有主人主婦相致爵之儀。於禮亦宜。

### 右尸醋主人

筵祝南面。祝接神尊。宜先得獻。筵用萑席。士讓按筵于室中北墉下南面。主人

獻祝。祝拜坐受爵。主人答拜。不洗者。薦菹醢設下尸也。

俎。

贊薦而佐食設。此菹醢。所謂從獻豆兩者也。

祝左執爵。祭薦。奠爵。

興。取肺。坐祭。瘠之。興加于俎。祭酒。嘗之。肝從。祝。

取肝。搗鹽。振祭。瘠之。加于俎。卒爵。拜。主人答拜。

祝坐授主人。

先奠爵。乃取肺。以祭。離肺用兩手也。興取肺。變于尸。尸則佐食絕而

授之。祝則自取而絕之也。以肝從。亦賓長。三

禮館議。祝授爵受爵。皆坐而不興。室中地迫隘

也。

## 右主人獻祝

主人酌獻佐食。佐食北面拜。坐受爵。主人答拜。

佐食祭酒卒爵拜主人答拜受爵出實于簠升

堂復位

佐食祭事有與勞故獻次及之隨在處實之升堂不復入室者室事已也復位

取杖而復東面位泊邾吳氏曰佐食不設席薦俎設于階閒而不在室又無從佐食卑也吉

祭亦然

### 右主人獻佐食

主婦洗足爵于房中酌亞獻尸如主人儀

得自足服

輕者得用飾也洗北堂之內洗直室東隅泊邾吳氏口疏以主婦爲主人之婦蓋謂舅沒姑老則死者之妻不與祭也然此爲吉祭言耳昔喪則妻爲夫斬衰稽顙未有舍斬衰稽顙之妻

而以齊衰不杖之婦為主婦之理。既葬而虞、何遽易之。且卒哭練祥變除之節，斬衰者為多。若齊衰則既練而除矣。是卒哭練祥之祭亦必死者之妻為主婦可知也。惟其妻不在者，乃以主人之婦為之耳。然則以母助子可乎。曰：子初獻母亞獻，禮以男子為主，亦夫死從子之道也。若執事則吉祭陳饋時薦豆薦敦薦鉶者皆主婦也。虞則一以贊者為之。惟於已獻時自薦兩邊而已。此正以辟母助子祭之嫌。士諫按亦有母先於父而歿者，亦有孤子幼而未娶者，則虞祭使贊者攝助焉可也。

**白反兩邊棗栗設于會南棗在西**

自反不使宗婦贊者，喪尚縱縱反吉故也。事西尚棗，棗美。望溪方氏曰：不忍遽變朝夕進食于舅姑之常情。而使宗婦傳致也。

**尸祭邊祭酒如初賓以燔從**

如初尸祭燔卒爵如初。

賓謂次賓。知然者主人獻而賓長羞主婦獻而

次賓羞差次宜然也。燔從如肝從之儀。

### 右主婦亞獻尸

酌獻祝籩燔從獻佐食皆如初以虛爵入于房。

初主人儀。

### 右主婦獻祝及佐食

賓長洗纒爵三獻燔從如初儀。

纒爵口足之間有篆如縫中飾

也。又彌飾矣。如初如主人儀。特不用棗栗與主婦異。

婦人復位。

復堂上西面位。事已。

尸將出當哭踊。三禮館議婦人吉祭無堂上位。喪祭有之為哭踊也。主人不由阼不位于東序亦以辟婦人也。

### 右賓長三獻

祝出戶西面告利成主人哭。告主人也。利猶養也。利成養尸禮成也。

也。不言禮畢者嫌於遣送尸去。皆哭。丈夫婦人於主

右祝告利成。虞三獻即告利成。特牲禮至無算爵乃告利成。

祝入尸謦。謦起也。祝入而無事則尸知禮畢而起矣。不告尸者無遣尊者之道。

讓按前延尸者祝也。必待祝入然後起所謂節也。從者奉篚哭如初。即前

衰經之人。祝前尸出戶。踊如初。降堂。踊如初。出門亦如之。前道也。如初者。出如入。降如升。丈夫先婦人後。三者悲哀之節同也。事尸之禮畢於此。

右尸出。尸謾。祝前鄉尸。還出戶。又鄉尸。還過主人。又鄉尸。還降階。又鄉尸。降階。還及門。如出戶。還。謂先鄉尸而卽還也。望溪方氏曰。每還必先鄉尸者。雖無辭。若告尸以行與轉之節也。前後皆以戶階門爲節。惟過主人不言地。以下言降階。則適當階上可知也。再言降階而後言還者。祝先降。鄉尸立。待尸之盡階而後還也。



祝反入徹。設于西北隅。如其設也。几在南。扉用

席。

改設饌者。不知鬼神之節。改設之。庶幾歆饗也。如其設也。一如與中東面也。東面則几在

右。為南矣。扉。隱也。以席為障。從其幽暗也。泊

邨吳氏曰。注疏以此為陽厭。然虞祭所舉牲體

尸。嚼之不食。則無祝薦席。徹入于房。祝自執其

與於厭。飲之義矣。祝薦席。徹入于房。祝自執其

俎出。徹薦席者。執事也。祝薦席。初自房來。望

不設。溪方氏曰。以此知佐食雖與祝同獻。而席

也。贊闔牖戶。贊。佐食者。鬼神尚幽暗。或者遠人乎。

右改設。尸出。祝反入門左。北面復位。然後

宗人詔降。詔主人降。以無事也。

主人降賓出。

出廟門也。

主人出門哭止，皆復位。

門外未入。

之位。

宗人告事畢，賓出，主人送，拜稽顙。

送拜者于殯宮之大

門外。賓執事者皆去，則徹室中之饌者，兄弟也。

右事畢。

無尸，則禮及薦饌皆如初。

記述其變者，無

尸謂無孫列可使者，殤亦是也。禮謂衣服卽位升降諸事。

既饗。

祝釋饗辭之後。

祭

于苴，祝祝卒。

取黍稷祭于苴上。

不綏祭，無泰羹醢，載

從獻。

記異者之節。闕此四事。上文迎尸入，佐食綏祭，泰羹醢設于鉶南，載四豆設于

左。賓長肝燔從獻，此皆無之。士讓按既無尸不行獻禮，則祝佐食亦無獻可知。

主

人哭出復位。於祝祝卒即哭。復戶外東面位。祝闔牖戶降復

位于門西。初入門左北面。男女拾踊三。主人踊主婦

者三為拾也。望溪方氏曰有尺則尸入如

門入戶而踊出如之無尺則總而拾踊。

食閒。閭牖戶隱之如尸一食九飯之頃。望

既無尺則事神之事畢矣於孝子旁皇周淡

之心未能慊也故闔牖戶冀神之憺安而久

留於斯以致其祝升止哭聲三啓戶。將啓戶

思成之慈焉。祝升止哭聲三啓戶先噫聲

以覺主人入。親之。三禮館議無尸則不行

神也。主人入。三獻禮主婦與賓皆不入故于

將徹時主人又祝從啓牖鄉如初。牖扇在內

入以致其敬先開戶乃

啓闢鄉猶面也。謂祝在主人之左，皆西鄉。注：以北出之闢爲鄉。側室別室或有之，正室無也。主人哭出復位。上。卒徹祝佐食降復位。宗

人詔降如初。

祝復門西北面位。佐食復西方位。故氏繼公曰：卒徹者言其

節也。此徹亦改設于西北隅。不言之者，已蒙如飭之文也。

右士虞禮

凡十九節經文止

記古本

記虞沐浴不櫛。陳牲于廟門外北首，西上，寢右。日中而行事，殺于廟門西。主人不視豚解羹胾。

升左肩臂臠肫骼脊脅離肺。膚祭三。取諸左臠上。肺祭一。實于上鼎。升魚鱠鮓九。實于中鼎。升腊左肫。髀不升。實于下鼎。皆設局冪陳之。載猶進。祗魚進。鬻祝俎。髀脰脊脅離肺。陳于階閒。敦東。淳尸盥。執槃西面。執匱東面。執巾在其北。東面。宗人授巾。南面。主人在室。則宗人升。戶外北面。佐食無事。則出戶。負依南面。鉶芼用苦若薇。有滑。夏用葵。冬用菹。有杞。豆實葵菹。菹以西。羸

醢邊棗蒸栗擇尸入祝從尸尸坐不說屨尸謖  
祝前鄉尸還出戶又向尸還過主人又鄉尸還  
降階又鄉尸降階還及門如出戶尸出祝反入  
門左北面復位然後宗人詔降尸服卒者之上  
服男男尸女女尸必使異姓不使賤者無尸則  
禮及薦饌皆如初既饗祭于苴祝祝卒不綏祭  
無泰羹滫斂從獻主人哭出復位祝闔牖戶降  
復位于門西男女拾踊三如食閒祝升止哭聲

三啓尸。主人入。祝從。啓牖。鄉如初。主人哭。出復位。卒徹。祝佐食降復位。宗人詔降如初。始虞用柔曰。曰哀子某。哀顯相。夙興夜處不寧。敢用絜牲剛鬣。香合嘉薦。普淖明齊。漉酒哀薦。祫事適爾。皇祖某甫饗。再虞皆如初。曰哀薦虞事。三虞卒哭。他用剛日亦如初。曰哀薦成事。士讓按自記首至此朱子已析附經後。自此以下。獻畢未徹。乃餞。此朱子遺之。今悉依古本如左。下至不說帶句。論卒哭之祭也。獻三獻也。餞送行者之禮。蓋卒哭之祭在寢。附則於祖廟。卒哭

之明日將附於祖廟故於三獻後行餞尸禮

尊兩甌于廟門外之右

少南水尊在酒西勺北枋

廟門外廣官之寢門外也水立酒也設之

即吉也。在西猶髮于吉也無簪不久陳之。教

氏繼公曰水尊在酒西西上也下文尸席設于

尊西北而尊西上則洗在尊東南水在洗東

篚設尊之法愈可見矣

在西洗取節饌籩豆脯四脰酒宜有乾肉折俎

二尹縮祭半尹在西塾乾肉牲體之脯也折以爲俎實優尸也尹正也

雖折之必使正也縮從也二正體縮陳尸出執

俎上又截正體之半橫之以備搜祭

尸出門右南面  
几從席從祝亦告利成尸乃出  
尸出門右南面



俟設

席也

席設于尊西北東面。几在南。賓出復位。

此亦

右几明其象神

位將入臨之位

主人出。卽位于門東。少南。婦人

出。卽位于主人之北。皆西面哭不止。

主人位少南者宜稍

鄉尸且爲婦人當位于其北。婦人有事自堂及

房而已。今出寢門外重餞尸也。喪之常。婦人無

外位。敖氏繼公曰。婦人位當南

尸卽席坐。惟

上衆主人以下亦在主人之南。

主人不哭。

爲行禮也

洗廢爵酌獻尸。尸拜受。主人拜

送哭。復位。薦脯醢。設俎于薦東。朐在南。

乾肉之

屈者。吉禮左朐。此據尸東面而朐在南。則右朐

矣。亦反吉之義。

望溪方氏曰。三虞至于餞。喪



祭終而吉祭始矣。故用吉祭之辭曰拜送云。哭復位明號泣而行別于卽位而後哭也。

尸

左執爵取脯濡醢祭之佐食授臠。

乾肉云臠。因事名之。

尸

受振祭臠反之祭酒卒爵奠于南方。

不酢而奠。禮有終。

泊邨吳氏曰禮祭祀賓客無以虛爵奠者以虛爵奠惟此。

主人及兄弟踊婦

人亦如之。

初獻禮成。

主婦洗足爵亞獻如主人儀無

從踊如初賓長洗纒爵三獻如亞獻踊如初佐

食取俎實于筐尸謖從者奉筐哭從之祝前哭

者皆從及大門內踊如初。

如主人儀謂自薦脯醢至反之之外皆如

之也。無從無遊燔從也。男女從尸。男先女後。從尸不出大門者。以凡祭無廟門外事。尸禮。望溪方氏曰。初獻尸卒爵。主人及兄弟踊。婦人亦如之。亞獻主婦及婦人踊如初。則主人及兄弟亦如之。三獻則凡在列者皆踊。哭之久。踊之多。幾與殯前啓後等。哀親之魄體既藏。而魂氣亦將離其室也。虞以安神。故室中不哭。餞以送神。故號泣而從。每獻必踊。各以義起也。尸出門哭者止。大門猶廟門也。賓出。主人送拜稽顙。于大門外。主婦亦拜賓。女賓也。拜於閤門內。丈夫說經帶于廟門外。既哭。當變麻。受之以葛也。附之前一夕。卽服葛。使賓知變節。此變重而輕也。入徹。主人不與。望溪方氏曰。吉祭設于室中。故主婦宗婦與諸宰金徹。餞設于廟門之外。則非婦人

所宜有事。故兄弟大功以下入徹。而主人主婦不與。婦人說首經、不說帶。

婦人於既葬變首經、不變帶。婦人重帶也。變者文也。不變者質也。故氏繼公曰：喪服之始，經

帶先加。故於將變之時，亦先說之。婦人通指五服之親言也。不說帶，則不以葛易之。其三年者，

至小祥而除之。齊衰期以至小功，則皆終喪而除之。其總麻者，此時亦不脫。既退，則除之。歟。

無尸，則不餞，猶出几席，設如初。拾踊三。出送神也。丈夫

婦人從几席而出，設哭止，告事畢，賓出。其賓出以下之

儀與有尸者同。死三日而殯，三月而葬。遂卒哭，將旦而

耐，則薦。此指士之日月數也。薦，即卒哭之祭。此祭為明日之旦耐而設。卒，辭曰：

卒謂已薦。哀子某、來曰某、濟祔爾于爾皇祖某甫。尚

饗。濟升之也。有牲饌不稱者明主為告將祔。女子曰皇祖妣某氏。女

祔於祖母也。此女子或未嫁而死或被出而歸或未廟見而死歸葬女氏之家既葬祔於祖母

也。婦曰孫婦于皇祖姑某氏。孫婦對祖姑之稱其他辭

一也。來日某濟祔尚饗之辭。饗辭曰哀子某圭為而哀薦

之饗。敖氏繼公曰此雖主為告祔之饗言之然凡喪祭之饗辭亦皆然耳。明日以

其班祔。卒哭之明日也。班次也。祔必以其昭穆亡則閒一以上。孫祔祖為正若無祖則

祔于高祖。凡主祔于廟訖主復反于寢有祭事即而祭之。蓋吉凶之變有漸未忍盡神之也。

泊邾吳氏曰。耐廟之說。先儒各持一見。朱子依康成耐已復于寢。至三年而遷於廟。於理較安。蓋祖廟不可以行喪祭。且祖未遷。則新主不可以遽入也。或云始虞曰。祫事固欲其合先祖矣。喪事卽遠。既餞而復還。何義乎。曰。祫事者。欲新鬼之神靈。依於故鬼之神靈云耳。卒哭則餞之。又于其王考耐之。以爲如此。則神靈固已往而依矣。然神靈不妨兩在也。雖已輟朝夕之奠。而主人猶居廬。則必主在寢室。然後哀心有所注也。望溪方氏曰。人壽以百年爲極。子死而已之父尚在者。有矣。父沒而父之祖尚在。未之有也。萬有一然。則士大夫無高祖之廟。安得耐于中一以上哉。禮窮則變。必有權制。但經記文不備耳。士讓按重至虞而埋矣。神必有所依。則作主當在此時。春秋傳云。虞主用桑。而士喪禮士有重無主。疏謂春秋傳有主者。據天子諸侯。

言之。方氏慤曰：重設于始死之時，主立于既葬之後。程子以主貴賤皆可用。據此，則士有廟而立之主，禮固宜也。

**沐浴櫛搔翦。**用飾也。**用專膚為折俎。**

**取諸脰臠。**專厚也。折俎，主婦以下俎體。蓋人多折骨以為之。今以脰臠貶于純吉，明

不用體。**其他如饋食。**如特牲饋食之事。士讓

骨也。**按小祥之練祭，尚不旅，則**

**祔祭**只有獻致爵而不旅，可**用嗣尸。**虞祔尚質，

知云其他如者，亦大槩之辭。**用嗣尸。**從虞至祔

惟用一尸。士讓按嗣者，相繼相因之義，不別

立尸也。敖氏謂虞祔異尸，誤矣。記言餞尸，正為

祔廟而餞之。豈有餞者一尸，祔者又一尸乎？李

氏竇之，指嗣為主人嗣子，如嗣舉奠之嗣。不知

凡喪主人或年少未必盡有嗣。且**曰：祔祭**

祔祭與特牲常祭異，不得相例也。**曰：祔祭**孝子

某孝顯相

稱孝者吉祭也

夙興夜處，小心畏忌，不惰其

身不寧，用尹祭，嘉薦普淖，普薦漶酒。

尹祭，脯也。普薦，錮羹。

適爾皇祖某甫，以隣祔爾孫某甫，尚饗。

欲其祔合，兩告。

之。兩祭而用一尸，且不別設几席，亦初即吉之

異處。望溪方氏曰：像新死者進見于祖。祖之

尸不必設也。禘而小祥。小祥，祭名也。禘而凶服，或有

此即練祭也，以一禘言，則曰小祥。以三年服變

除之節言，則曰練，其實一也。左傳特祀于主，烝

嘗禘于廟，國君禮也。以此推之，祥禫皆特祭，不

於廟，則于寢行之可知。敖氏謂特祭于祖廟，不

可從。曰薦此常事。祝辭之異者，一期天道變易，孝

子思之而祭，是其常事，故云常



又替而大祥、曰薦此祥事。

凶事至此盡除。大者對小而言。

中月

而禫。

中、閒也。與大祥閒一月。禫之言澹、澹然平安意也。二十五日大祥、二十七日而禫、二

十八月而作樂、復平常。此三年喪之節也。若期之喪、則十三月而祥、十五月而禫。

是月

也、吉祭猶未配。

是月、是禫月也。禫祭仍在寢。若此月適當四時吉祭、則於廟猶

未配者、謂孝子之母、雖先其父而卒者、此時猶

未以之配祭、以哀未忘也。配如少牢禮曰、孝孫

某、薦歲事于皇祖伯某、以

某妃配、某氏。尚饗。是也。

儀禮集解

卷十四

三

儀禮集解卷之十四終